

6107 2

~~33~~

20 T 5476.3 / 83B

5531.820



御製詩二集卷之二十九

古今體九十三首

辛未八月



先皇后親蠶圖成命
弄藏蠶館並誌以詩
農桑並重以身先
創舉崇祠薦吉蠲
秋葉哀蟬驚一旦
春風浴繭罷三年
宛看盆手成新
卷益覺椎心憶
舊絃柘館蕭條
液池上分明
過眼閱雲烟

題鄒一桂山水

堞樓近倚大江邊
一片虛明萬里天
石劍倒



青如劃水林扉拖白不藏烟時時細雨出耕
犢往往斜陽聚估船此景親從南國見披圖
漫訝想當然

雨後御苑泛舟

急雨初過晴亦佳蘭舟閒泛錦雲涯峯姿濯
翠入澄照鏡影含虛愜曠懷一擢忽忘原液
沼數灣擬欲學秦淮春遊小憶吟詩稿高閣
旋聞報午牌

題張宗蒼畫

飽挹煙霞趣來為山水圖學王無刻畫似米
不糊塗綠樹高扶嶂白沙遠帶湖携張宗蒼
年南巡始知善留別沈詩畫信歸吳係今
書因携以歸

舟行遇雨之作

視朝侵曉法宮旋擊汰長河取路便膚寸膩
雲纔布宇須臾飛雨到前川
涼切生衣剪玉絲黃頭鼓柁進舟遲溪烟岸
柳空濛意大似江南雨渡時
邇來晴雨適人心禾黍懷新茂不禁轉為多

律書言二集 卷二十九
將辜滿望烟空騁目頓憂深

董邦達谿山秋霽

樹欲飄揚風欲吹
徂雲不賸一絲絲
卷舒慣作秋前景
颯爽正當雨後時
出硤石泉如奏
筑落林椽子似敲
碁坐來心與高空暢
此景天然稱我詩

賦得僧敲月下門

月上驚棲鳥
山僧歸自鄰
應門之五尺
叩扇借孤筠
小立莓苔滑
低臨松竹身
上人權在

外守者未生嗔
詎濕袈裟露憑叅
響寂塵維摩不二法
司戶有前因
剝啄原無礙
形容直逼真
本來敲絕好
推字想欺人

自高梁橋泛舟迴御園川路曉景即日

長川濃露濕烟蕪
舟趁晨涼暑若無
間有樓臺臨曲岸
勝他粉本廣陵圖
烟村遠近豁新晴
翠濯西山一幘橫
此際恰同農父志
半懷憂喜望秋成

秋蟬口號

已知遇閏立秋早秋信猶嫌人未知一箇秋
蟬忽先唱警人聲在最高枝

寓興

大人不親細三公坐而論所論為何事敬法
兩字諄宜敬法者誰曰

天與

祖宗叶然貴行以實匪貴徒名存處奧如太
簡媚竈或競奔敝袴斯已約程書斯已勤勤
約豈不佳失要反致屯恭已正南面未可易

易言

飲魚

賦茅較三四喜怒在目前而魚既非狙且在
深淵間喜怒豈形色飢飽誰與傳子產亦智
者欺方被校人上林例孳育澄池富錦鱗守
者日竊饋欺魚不能言魚亦不復來楚響反
遁焉因之試親飲投饘惟淪漣一再餌之熟
喁最羣爭先可知非尅減錦鱗胡潛淵謂魚
不能愬其理信未然

移竹

池邊伏裏種篔簹挺立森森百个強今夜
前應有雨為傳畫意到瀟湘
風翻鳳影低芳埒月寫龍文入綺寮却憶雲
棲幽絕處萬竿綠玉曼仙韶

螢

點點螢光入夜流人人心有幾分秋而今不
解資勤讀祇解宵行引客愁

日出行

日出東方雲散中天夜來好雨朝晴豁然通
日頗欣晴雨時亦惟時矣愁益滋三百六句
例一睫六龍應天而不知爍火其勞乎魯戈
真誕兮咨汝和咨汝義其何能終古無薄蝕
萬物久照澄光輝君子有過其固也日月之
過維何其誰能叩天一問之

昆明湖泛舟

何處燕山最暢情無雙風月屬昆明侵肌水
色夏無暑快意天容雨正晴倒影山當波底

見分流稻接垸邊生披襟清永饒真樂不藉
仙踪問石鯨

六月九日暑風新爽御門聽政後率諸

王大臣等泛舟觀荷有作

仙侶招携泛碧潺偶然尋勝值幾閱一天新
霽豁愁意五沃名葩破笑顏走汞露圓紛葉
嶼噴蘭風爽度花灣遐思禾黍懷新好吾樂
原非在此間

燕山八景詩疊舊作韻

瓊島春陰

承光殿之北孤嶼瞰臨北海相傳為遼
之瓊華島上多竒石宋艮嶽之遺金人
輦致於此今為永安寺悅心其便殿也
艮嶽移來石岌峩千秋遺蹟感懷多倚巖松
翠龍鱗蔚入牖篁新鳳尾娑樂志詎因逢勝
賞悅心端為得嘉禾當春最是耕犁急每較
陰晴發浩歌

太液秋風

太液池在西苑中亘長橋列二華表曰
金鰲玉螭北為北海南則瀛臺西京賦
所稱滄池漭沆列瀛洲夾蓬萊者方斯
蔑矣

微見商颺蘋末生鏡瀾玉螭影中橫非關細
雨頻傳響何事平流忽有聲爽入金行閭闔
表波連瑤渚耀臺瀛高秋文宴傳佳話已覺
犁然今昔情

玉泉趵突

西山泉皆泆流至玉泉山勢中豁泉歎
躍而出雪湧濤翻濟南趵突不是過也
向之題八景者目以垂虹失其實矣爰
正其名且表曰天下第一泉而為之記
玉泉昔日此垂虹史筆誰真感慨中不改千
秋翻趵突幾曾百丈落雲空廓池延月溶溶
白倒壁飛花淡淡紅笑我亦嘗傳耳食未能
免俗且雷同

西山晴雪

西山峯嶺層疊不可殫名因居京城右
輔故以西山槩焉高寒故易積雪望如
削玉今搆靜宜園於香山輒建標其嶺
誌之
久曾勝蹟紀春明疊嶂嶙峋信莫京剛喜應
時霑快雪便教佳景入新晴寒村烟動依林
裊古寺鐘清隔院鳴新傍香山搆精舍好收
積玉煮三清

薊門烟樹

水經注薊城西北隅有薊邱明人長安
客話謂在今都城德勝門外土城關即
其遺址旁多林木蒼翳蒼翠

十里輕揚烟靄浮薊門拍點認荒邱青帘貫
酒於何少黃土埋人即漸稠牽客未能留遠
別聽鷓誰解作清遊梵鐘欲醒紅塵夢覺生寺大
鐘在斷續常飄雲外樓此北

盧溝曉月

盧溝河即桑乾河水黑曰盧故以名之

橋建於金明昌初長二百餘步由陸程入京師者必取道於此

茅店寒雞咿喔鳴曙光斜漢欲參橫半鈎留照三秋淡一竦分波夾鏡明入定衲僧心共印懷程客子影猶驚邇來每踏溝西道觸景那忘黯爾情

易州建泰陵來往必由之道

居庸疊翠

居庸為九寨之一見於呂覽淮南子其跡最古酈道元謂崇墉峻壁山岫層深

路才容軌為得其實云

斷成頽垣動接連當時徒說固防邊洗兵王壘曾無藉守德金城信不穿泉出石鳴常帶冷日含峯暖欲生烟鳴鞭阿那羊腸道可較前茲獲有田

金臺夕照

黃金臺見志乘者有三一在易州都城有其二輿地名勝志云在府東南十六里又有小金臺相去一里今朝陽門東

南歸然土阜好事者即以實之所傳古

蹟大率類是

九龍妙筆寫空濛

石渠寶笈有王綬真蹟疑似荒

基西或東要在好賢傳以久何妨存古托其

中豪辭賦鴛誰過客博辯方孟任小童遺蹟

明昌重校檢畢然高望想流風

當壚曲

當壚設酒芻蘭陵鳴絃撥振吹湘笙美人勃

窳流蘇屏雲裳半掩揚新聲休言不使流雲

行亦不招凰來舞庭凰來恐學秦公子雙雙

騎去無踪形雲停終須復散去楚王臺上空

餘情當壚曲良獨苦迎來尚易工送別多悲

楚不問新聲可動人但問衣帶寬幾許

熱

夏德在暑熱其宜炎威卓午朱明披金行明

日立秋節縱復鬱燬知幾時

立秋日作

一氣傳金皞三時入白藏拂筵驅伏暑披袂

行樂言集 卷二十九
迓新涼風葉荷增響露英花遞香晚來急雨
過恰好應農祥

日生秋庭作

一日生秋遍生秋此處多清陰猶張王

二字皆去

聲細卉已婆娑柱礎全收潤池塘欲作波快
晴心共豁徂暑物含和更敞虛明牖還延青
翠螺髻間五載咏睫眼訝無何

爽

立秋已三日新爽逐日添霽潤消階肥颯涼

著衣衫芳飈度襟英莎蛩語幽潛代謝不相
讓義御無停驂撫此懷惜陰汲古資幽探

讀賈島詩題句

袈裟雲水伴鐘魚歌鳳將同楚接輿設使不
逢韓吏部豈知名教樂非虛

新秋靜宜園二首

入秋氣已爽入山秋更別巖風峭送涼澗泉
幽以冽輕雲猶戀宇而勢不能結高空漸沈
寥洞壑殊清絕孤亭堪騁目方罨綠雲列指

日待西成碩茲實怡悅
山蟬亮其聲飲露蒨清響
翦然濃翠中紅葉
見三兩動植均知秋吾胡不延爽朗開納涼
牖閒披却雨斃謾然聆松濤滌思發竒想

寶珠洞

趁涼尋勝賞快霽暢崇情行意遵山徑遊睇
倚榭楹涼泉含古味謾籟帶秋聲豁達烟霄
上憑陵萬象呈

香界寺得句

盤迳下峻嶒畝平得梵宇迴視若降高俯瞰
故高所能仁泯名象刹那例浩古而况昨今
歲夫何異來去叶我乃覺其異此道未足語
入山爽異常快晴秋倍新澄宇豁空濶虛牖
堆嶙峋野鳥聲不俗草蟲吟可人淨理了堪
悟勝賞良有因

靜室

香山靜趣雅相宜一室居然靜會茲拈毫構
思渾難得祇合忘言默識之

行集言集 卷二十九
卉歛天風吹絮雲一空霽景與秋分香含華
柔西成近心為宜暘慰且欣
涼送巖風秋到初可人山色入窓虛坐收積
翠同登眺閒看流雲任卷舒

張宗蒼梧館新秋

清暉懸處淡烟光濯濯堯峯帶翠涼梧館蕭
閒人倚榻好教賦句屬歐陽

快霽

快霽新秋果暢情清暉懸處倍光晶即看萬

寶西成報不負三農東作耕虛榭迎人涼籟
納高樓縱目遠山明青瑤阿那崇楸路指日
鳴鞭問去程

題早桂

離離金粟早秋開孕馥揚馥冒雨纔恰喜快
晴思點筆臯塗精舍送題來

七月朔日作

立秋已逾旬秋月乃始朔金難欣秩序晶陽
恰高暴候正物情熙氣爽人心樂琳池潏穀

往集言集 卷二十九
紋瑤臺朗天幕屬詠向沈寥託懷因以邈
去歲喜晴多乃因夏雨頻今歲喜晴少却為
期依旬與與遍高下華黍香風勻西成諒可
望稍足慰吾民遑敢忘惕虞益惟凜敬寅
北省冀有秋南省失逢年近聞溫台郡斗米
值千錢戶口既日增衣食惟賴天民飢乃走
險觸法吁可憐將寧失不經效尤恐甚焉蠲
賑既不惜更通楚國船近慰遠則忘而吾豈
其然

秋英

秋英綻幽芳翹楚亦可人泣露無定光裊風
有餘芬曲岸臨銀塘蘸影搖清淪居然蘭蕙
友謝彼桃李羣設如遇家丞檢校轉難分

昆明湖泛舟

秋入滄池瀵玉波蓼花極渚晚紅多金行滿
意蕭澄景此際惟應讓素娥

層峯霽翠落波心佳景當秋効靜深晴雨三
時縈萬慮西成盼近為開襟

泛湖最合新秋爽暑已去時寒未來漉沆明
漪烟靄澹蘭舟恰趁好風開

新月

碧漢牙痕細冷然素彩流掃除一向暑釣得
許多秋桂子透雲馥梧陰泣露稠溶溶入初
夜引客上高樓

題張宗蒼山水畫

氣韻經營外雄渾秀竦中神如非獨契人亦
率能工歸岫秋雲白隔溪楓葉紅高樓延霽

爽落瀑韻巖風照燭將誰李拍肩應彼洪前
峯萬林杪縱目俯長空

立仗馬

天閑之別以十二隨宜利用期悉備吉行五
十師三十在尚其德匪尚力叶圉人秣飼謹
調良賦豆輸漿皆有製不令過瘠及過肥在
適其中具深意過瘠力弱將僨轅過肥力壯
每脫轡馬之良者轉受勞兼以飲餐不遂志
復有選色色貴白不妨駑駘亦可厠筋埋肉

脹但取肥以備仗馬飾朝制芻秣恣饗辭鞭
箠排立移時旋休息叶馬之駕者乃得逸豈
遑計及中書譬以彼易此誠不可此理伯樂
難擬議

奉

皇太后出口行圍撰吉起程即事十韻

習武兼觀俗遵循

家法常

鴻規思續紹

鶴算喜康彊隔歲巡邊徼乘時選獵場所期
綏內外即以靖封疆啟蹕撰良日橫鞭趁曉
涼都人傳燕喜衛卒逞鷹揚列嶂按藍近千
畦環秀長朗懸晴靄碧香擁午雲黃隨馬行
秋輦行臨避暑莊

卷阿留勝蹟泉石待徜徉

石槽行宮對月疊辛酉歲舊作韻

新月涼輝也自妍晚芳弄影麗便娟行宮又
駐金秋蹕虛牖全延碧落天十歲了然別今

昔半輪初不異虧圓閨宵竭爾成清悟櫛櫛
銀雲印穩眠

峯山口

跋馬黃花路遙指峯山口露浥快塵無晴暴
占秋有

迤邐陟蘭磴此行初入山山民如舊識對我
發歡顏

一迳平開白兩山夾輔青毋寧少蘊藉後疊
翠為屏

峯山亦小嶺始登心為暢塞上最高峯行據
雙眸放

懷柔縣

谷夷邑以庶縣小城則古室有僅餘糧野無
不闢土稔年略可支歎歲多辛苦太平固佳
事戶口日增許持盈惕深衷朝夕遑寧處所
祈邀屢豐庶可籌助補借問親民官循吏誰
名杜

曉行

山蹊破曉行詰曲舊諳程綠樹深藏郭黃雲
遠帶城溪喧昨夜雨烟歛早秋晴一以占農
慰還因驗旅情

泥滑刺

泥滑刺馬不前十步九跌防危顛忽然於此
憶乘船囊橐滿載蒲帆懸設如江上遇石尤
泊岸守候空留連安得陸行者每值晴舟行
者風順便又願四月天晴於育蠶家雨於蒔
秧田天地之大人猶有憾焉擲筆不復道停

鞭且詠漸車篇

即事

剷土廓山路歲久土為石石已不復土莓苔
駁蒼碧深戴古車轍淺含秋露澤變化誰所
為土石兩不識竭爾異剛柔歷然分主客

飲馬長城窟行

飲馬長城窟流來塞外水撐犁頭曼久外臣
息燧銷兵亦久矣飲馬長城窟遺蹟猶堪指
埤堦列嶂幾千年堅不山齊心不止輶輳車

中臭纔發可惜蒙恬旋賜死後來豈少防邊
人良民半作城下鬼六州鑄錯未為癡萬古
癡謀無過此

寒瓜

野店寒瓜可當蔬村民生計覽吟餘芻棚茅
舍紛懸處細雨涼風欲熟初體會遙思粟烝
在荒唐漫說棗還如烹蒸雅合山家供肉食
休誇丙穴魚

晴

秋山易雨亦易晴金風奏爽天宇晶此時消
盡閒籌度禾黍香中旅騎行

山田

山田日以闢刀耕火種之所幸常有秋不辭
辛苦治生齒日滋餘地利詎有遺贏此邊外
墾稍救乏業黎丁男相踵至燕雲逮晉齊奚
啻千萬戶梯巖事耕犁內外久一家蒙古頗
相資更慮啓忿爭治之良有司亦知非遠圖
權以醫燃眉

常山峪行宮八景

綠樾徑

一徑引人入勝千林宛爾相親恠底宜來雨
後懸崖濺沫垂紳

虛白軒

小軒虛白堪怡匡床憑几棲遲驀憶前秋此
際清光不隔多時

青雲梯

蒼筤千重巖秀巉巖百級絕塵大似子房竒

士陳平何物堪倫

楓香坂

青楓過雨霏香詰曲蘭榭里強陟頂嘉然長
嘯千峰紫翠夕陽

蔚藻堂

蔚藻爾時書堂每來翰墨生香正擬摘詞且
置無過大塊文章

如是室

秋初山有餘翠霽後室生爽寒最是長宜靜

坐奈予每少幾閒

翠風埭

威紆翠埭林穿草蟲花蝶風前俯仰物物自得會心一為听然

陵霞亭

夷峻位置孤亭四隣山色來青六法誰能貌取嵐靄都無定形

山月效韋應物體

向暝羣山陰入夜諸籟靜惟有清秋月徘徊

弄寒影寒影入我懷我懷與月佳天容既澂廓露氣滋芳蕤相望有餘意何異遊蓬萊

灤陽別墅

別墅蕭閒灤水陽到來依舊閱秋光擎青古茂松千尺環碧高低山一房時聽鹿聲還隔嶺每看蝶影或踰塘墨壺琴薦都清潔消得敲吟引興長

朝晡涼爽午猶炎節候初秋塞外占葉始作紅仍隱綠潦將就減乍平添報寒野蝸常依

行樂言一集 卷二十九
砌餉蜜山蜂不離去聲檐應接翻嫌畧無暇峰
容波態此中兼

小金山歌

灤江衮衮西北來東將入海歸溟渤源遠流
長故遜岷陰吸陽嘘或如浙叶岷江浙江我
適觀灤江此閱新秋寒新秋不異前秋景得
近忘遠逸興遄河有砥柱山有金欲赴且止
其意深此間帶嶠肖浮玉惜無頭陀裴氏開
叢林底須金山四面包華屋廣陵之濤似神

而非者三亦惟天下獨會心濠濮樂在茲樹
態峰姿况周足刻削翠影落澄波時有鼉鼉
擲林木江天竒境有如此浮名小大何嗔喜
彷彿山靈如是云勝彼虛詞吟不止

駐蹕避暑山莊詩成近體

仙館金黓葢葆旗行秋駐輦恰相宜會心即
境真雙羨得意微吟又一時繞
膝常欣承色笑

含館每切憶息私邊關內外西成近有喜吾

民許共知

山雨

山雨霏空送嫩涼
烟絲極目益蒼茫
中元明日傳停蹕
漸石長途諒不妨

清舒山館

雲牕重此坐清舒
峰翠迎人過雨餘
前歲今秋饒歷歷
溪聲山色自如如
單椒時下叻烟鹿
芳沚頻浮唼浪魚
欲倚喬松尋琥珀
落來清露濕衣裾

垂釣

富春以釣隱磻溪
以釣顯亦各適其適
何繫竿與綫叶 跂石臨澄渚
秋水冷然善垂絲
致喁喁豈為烹鱖甌
隱顯非我為潛躍
任彼轉渺瀰
眄烟波興正復不淺

永恬居

構築深谷中
嵐靄幻朝暮
名之曰永恬
允得岩居趣
疊樹罨蒼翠
曲流繞蹊路
仙卉四時芳
竒峰一窻具
澹泊足怡悅
春容而靜寤
買

山合周孔義經於是注

谿流

谿流勃雨後雨止流亦止勅襲為學者奚以異乎此

聽瀑

濺瀑落巖鳴清機愜靜聲寒垂一條玉虹掣
九秋晴亂點侵危石澄光靄敞楹寒山千尺
雪假藉若為名

中元日放河燈

碧空雲散夜清妍解讓秋蟾初度圓雅合山
莊陳節物較羸江國鬧燈船千枝朗徹巖邊
樹萬朶輝交火裏蓮漏下松齋歸靜憩依稀
颯景似前年

山莊雜咏

每先秋獨駐山莊水態峰姿引興長佳景天
成勝江國早藏靈境待

仁皇

萬壑松風一室幽芸窓如昨每吟留卅年問

學無些進空覺羲娥迅似流
秋山雨過濯濃青遠近泉聲謾入聽新搆雲
居號松鶴千秋萬載奉

慈寧

點華文軒命墨娥成書便擬號歸禾未如七十傳靈囿動植飛潛較總多

御製詩二集卷之三十一

古今體九十五首

辛未九

山莊起程之作

兩日山莊駐清蹕三秋塞獮發行旌灑塵細
已霏涼雨送爽輕剛值快晴背眄渝關千嶂
疊徑穿澗水一橋橫詎惟習武勤遑計欲答
賢王愛戴誠

蒙古王公例於波羅河屯晉接即事得

句

塞上秋蒐又隔年碧空爽氣正澄鮮仰流左
谷右賢後就日車塵馬足前望去圍場欣咫
尺携來獵卒例盈千一家中外非容易馭遠
鴻猷勉繼旃

野花

野花不入嵇含狀有艷無名人詎曉露霏或
比素蘭馨風娜還過寶相姣未逢說項空竒
芳荒原蕪沒殊不少爾雅方言逮寓中寰海
周禪誰則到叶匪直人也幸生文物邦幸生

乃至凡花草

涼

塞野度行旃新涼馬首前近山嵐氣峭拂草
露華鮮催穀登場候報人宜獵天欲詢民疾
苦村墅且停鞭

入崖口

朝家重習武靈囿成自

天匪今而斯今

祖制垂奕年巉巖圍疊嶂崖口為之闕壁立

衆山斷伊遜奔赴川秋猶常經過每為遲吟
羈雙峰開霽烟一水流潺湲翠葉復黃葩高
低入影妍去年巡洛伊亦有崖口三塗及
七谷較此夫何有一得考功詩羶薌傳至茲
我為是崖歎表章將待誰

詠畫筍

望星犀角形寓驚雷象齒文生莫訝薏薏寸
許琅玕拔地雲橫

驀憶韜光徑幽紺乳萬玉修修彷彿依根劇

得猶看籜嫩粉留

山雨

一片秋雲吐萬絲山雨縈塞垣經已慣立馬
待天晴

羶廬

張拂常稱便止遷隨所如天臨萬象濶山入
一牕虛罷獵支牀憩成詩就燭書泉明先得
句吾亦愛吾廬

曉月

曉月清可憐塞天益寥朗上下泉箔明隱映
林扉敞遙峯似玉臺古鏡大於掌勒馬據崇
榭聊結廣寒想

讀書

張廬萬山裏展卷一牕下是中有深味玩輒
不忍罷博覽謝彼能體認肯自借匪誇乙夜
勤值此清秋暇

繡壁

夏山蒼蔚冬山槁惟有秋山稱恰好恰好秋

山孰擅勝塞上峯巒出類表案衍神局姑弗
云壁立萬仞凌參昴霜降不遲還不早此虎
枝葉渲葩滌紺黃纁絳間青翠天工設色非
人巧益之盤桓食苹鹿雜以絃管啁林鳥朝
嵐夕靄呈變幻千態萬狀難窮討解衣磅礴
恣闕生過雲錦繡工杜老似是山靈有宿約
每起予思於金顥

沈德潛進南巡詩章並所和詩至再疊
舊韻賜之

塞山七月似三春 竭詠賡章意倍親 恰好清

秋此瓊室又逢南國彼 詩人功稱德 頌曾何

益吏習民艱 要並陳節相 老來還喜事 為卿

特地答筒筠 德潛居鄉每命替撫代進奏摺詩章是篇適高斌代為奏至本

蘭行營故云

忽憶勾吳清麗春 底須南北較 踈親重吟迎

蹕篇中句似有投刀牀畔人 南巡諸作原難為工德潛老矣

亦不必以是為工所進三十章似出百二十

章心窟蘊 德潛所作非他人所能到 甲乙丙

夜案頭陳靈巖 阿那青楓坂 問爾孤登可藉

筠

即事

積日以為月 積月以為歲 積歲以為紀 積紀

以為世 來者雖可期 去者不可繫 一日復一

日 歲月如斯逝 所以古賢者不敢安玩 愒為

學 戒一簣為政 期兩濟而我竟何成 思之每

深媿

霜

白點霜華增曉寒翠峰勾出許多丹機緘妙
趣當前悟繪事原應素後看

山果

山果鞞鞞紅經霜甘且脆設使結炎方離支
譜應次

獵

豐草長林獸所都時平習武試三驅林霜始
降鷹嫌菜野露猶霑馬惜蕪豈必虞人竭陂
澤未能君子遠庖厨日斜頽獲惟城外惠逮

惟均洽衆娛

析字

魚魯以形訛亥豕以義舛夏五及郭公春秋
猶不免尋章摘句流硜硜期致辨聚訟笑徒
然胡不奮實踐

北天竺

塞山竒種異植茂密蒙茸神農岐伯有
所未辨郭璞陸佃夫豈能疏有倒生絕
壁不與恒羣結子累累玫瑰鞞鞞其色

而扶綠葉者問之蒙古不能舉其名與
南天竺子相類因名之曰北天竺而繫
以詩

佛說西天竺視如乾闥城而誰於卉物南東
強借稱四維缺匪宜朱穗百八盈儼從堯羅
手飛來證無生北亦有天竺吾今正其名是
地秋嘗雪渥丹積素擎龍益滋其繁葉不改
其青隱笑南方暄耐寒孰不能

宴蒙古諸部落即席得句

四野天垂連大漠三秋日朗徹穹廬藉茲牲
酒聊歡衆詎是恩膏漫頌予立馬看餘詐馬
繼左賢賜已右賢如不拘禮數敦誠意嘉爾
風猶似古初

即事

即事摘詞亦可歡發清機不礙秋寒無塵雅
似江南羨有地惟應塞北寬紅纈翠扶壁萬
仞沙縈石絡澗千盤儻教借得西湖水處處
吳山足大觀

讀史偶成

盡道吾君不敢欺不欺君者果伊誰禹臯稷
契應無此猶慮面從申戒之

於木蘭作

天文漏兮野地志闡開縣博覽山海經荒略
一二見上林牟內地木蘭關塞甸中外久一
家敬奉金甌奠

單于讓牧場朝家置靈囿深戎武備弛於馬
習獮狩崇岡既壇曼叢樾亦羨茂以故百物

滋取豐留尚富

霜華霏漠宇窪稜紺絳斑蒙茸紫獺裳八月
披曉寒呦鹿隨哨至樂此誠忘餐樂亦不可
極於古戒遊盤

吳越近經巡山水信清羨饒復藉人工未足
云觀止隱現固有時羨善盡無比獨待表章
人一為宣其理

宣理理乃昧紛然起毀譽不及無名稱故吾
猶古初劉羸今何有守禦長城隅長城更以

外時來習三驅

繡壁琳琅標樂洞笙簧幽眺聽欣不凡發思
凌清秋青山生白雲雲去山還留寄此片時
興萬劫高峰頭

觸緒偶即景得句恒因心中命鄒枚侶染翰
賡予吟清詞出衆表妙理入細斟寧無不盡
意秘藁貽知音

帳殿張雁塞毳服蒙龍光嘉賓式燕喜乳酒
湘黃羊錫爵洽衆歡湛露流霞觴戒旨非所

知古俗猶敦龐

楓葉續疊峻楊絲鎖曲隩動靜無窮觀智仁
有餘樂佳景四時宜最宜乃金昊曷其可久
耽言旋勤政要

新月

魄彩吐寒空中秋月未中塞光偏覺異恒質
迴難同結念香聞桂遊晞影颺楓玉臺高倚
鏡奩帕半猶蒙

暖

出哨剛逢暖

木蘭哨鹿之區或即謂之哨地云

皮衣易絮裳

穀場歌歲稔菜圃慶秋長村景觀無盡予懷

慰莫量浙東方告歎南望為去聲民傷

木蘭迴蹕駐避暑山莊即景成什

山莊秋半饒清致六轡言旋自木蘭祇以行

時脩武備肯教耽獵久遊盤雲如避去拖綃

白楓似隨來嵌壁丹新月過弦澄碧落要留

此對玉輪團

將於山莊度中秋節故云

千尺雪歌

吳中寒山千尺雪自趙宦光疏剔之後

膾炙人口久矣然未免藉人工山莊之

內有溪如建瓴置屋其側冷然灑然噴

薄之聲隱巖階泛瀲之光翻月戶蓋塞

地無畝平因其勢而導之吸川濺沫之

勢有不必以千尺計者獨喜其名因以

名軒非云慕藺聊誌因王

問雪有聲聲亦有矮屋疎籬篔簹風後無過騷

屑送寒音那似淋浪喧戶牖何來晴晝飛玉

花玉花中有聲交加人間絲竹比不得似鼓
雲和之瑟湘靈家雪落千尺亦其素乃中去聲
宮商勝韶護導之則來詎巧營即之則虛堪
靜悟跣波噴沫紛潺湲赴壑一瀉無復還借
問盈科放溟海奚如止坎渟蒼灣疊石開軒
致瀟灑雪色簷端雪聲下秋水之中有六鰲
豈必學彼任公釣竿把陡憶春月臨勾吳寒
山疏剔傳凡夫趙宦光聽雪信羨未可云久
駐今來不假人力而得笑過之仙區於焉棄

虎跑之石泉却惠山之竹鑪謝南國之虛聲
守北地之故吾清風明月蒼山碧湖雖曠古
而無聞欣始遇之迴殊

瀑布

繡屏開紫翠珠箔滴琤琮不舍赴川勢難尋
出竇蹤光爭晴雪落聲帶晚烟春可飲去聲書
牌鹿每於松下逢

張宗蒼山水畫

避暑山莊題句

驛使傳來山水圖山莊著鐸作清娛蒼蒼寫

出游神趣徃徃逢於跋馬途石罅泉聲動亦
靜雲涯峯色有還無不難結撰成溪壑誰解
如斯味道腴

疊中秋帖子詞韻命翰苑諸臣和之

秋中令節從來歌咏之場塞外靈臺自
昔豫遊之地此時此處寧可漠然載倡
載酬堪云暢爾遂令廣琴法曲音連三
十年前肯教翰苑鴻詞格遜四朝詩後
萬家烟火隨民便而無改

堯模千畝山田報歲豐而有愉

任顧雕瓜繪餅塞垣節物拙佳抹月吟風山
莊慶宵莫負底須五字輕嗤宋玉老兵
仍叶七言可效韓偓內翰莫嫌頻韻聊

紀一時

風月湖山卅載閒今朝歌舞不宜刪姮娥也
似添豪興早上璇霄映碧山

最滿冰輪異樣光巖楓皆作桂枝香高低樓
閣湖羸聖上下淪漣瀑學匡

鄒枚扈從集師師便合賡吟帖子詩翰苑從
來紀佳話鳳毛還在鳳凰池
依巘軒齋近水樓此間不易值中秋他年試
覓新題句應在千峰最上頭

中秋即事

慶月真宜避暑莊樓臺高下朗寒光一輪火
照輝蓬閣億載如恒祝
壽康不遣絮雲翳空宇早扶蟾魄上東岡野
潭漁灩金波湧何必平湖更憶杭

灤陽別墅作

校獵言旋駐葆旗蕭閒山館偶棲遲明看綠
葉添紅葉默識來時作往時秋意已隨月西
轉溪聲那共水東馳虛牕點筆消蘭篆不構
文瀾引靜思

野店

野店居安忘寄寓塞外居民多齊貧民生計
自為謀漫詢公賦如何納且喜山田薄有收
虎落編柴防夜運魚梁疊石截寒流稔秋村

景方生慰轉念南邦又益愁

長城

埤垝棲巖障徒驚建築竒民膏真歎竭地險
詎能持萬里東西亘千秋鑒戒垂勝朝事修
葺遐想動嗟咨可識戒嚴日已成失守時金
湯豈云是在德有前規

湯泉行宮即事

返蹕駐巖阿黃花砌齒羅秋寒波自煖今憩
昔曾過泉石饒天趣琴書養性和數年纔一

顧結搆底須多

八月二十三日作

禮稱不用志終身八月西風最愴神

遺詔從頭十六復難言無忝

誨諄諄

御門日作

一二日萬幾勤政導

家法疇咨內朝門封章待批答率由貴有恒
龍案延黃閣敷政權剛柔省身切兢業民風

額還溥歲功期允協每懷乃靡遂蒿目奈才
乏

季秋瀛臺

素景仙壺異秋風太液多白輕烟歛浦黃重
菊分科汲古希韓縵惜陰懷魯戈池邊人字
柳霜意又婆娑

季秋香山

秋蒐塞館詠卷阿迴蹕經時此偶過流景因
思誠迅爾好山奚必較如何泉聲聽比風聲

冷綠葉看輸紅葉多吟興縱饒佳句少蒼巖
可惜費鐫磨

靜室題壁

望中山館紫雲連據座低臨萬景全因識不
勞安得逸無多樂後賸憂先峰姿玉柱倚天
外湖色昆明落眼前白壁居然題靜室笑予
無暇一安禪

碧雲寺

清暇停遊罕蕭辰憩照園樹丹秋未老室白

徐集言二集卷三十一
畫餘温幻裊天衣縷靈淙石髓源羔羊侍臣
詠靜寄合忘言

登碧雲寺金剛床塔

百丈之山延緣徐步忘其高十丈之塔矗爾
拔地直上乃訝高岩崑何況窳堵迴據西山
半宜其下視無地上已干青霄太行西來厯
萬古杯水滄溟金彈吐康回能使東南傾女
媧誰見西北補我聞佛諦要令萬緣忘胡為
梵誌傳此金剛床高秋乘興一拾級目窮千

里心萬方今年登塔凡三度六和報恩皆有
賦江山信美慮程遙詎可頻頻勞六御因之
念寄吳越間夏灾數郡遭迤邐何能五風十
雨斗米纔三錢恧哉吾治遜彼唐貞觀

讀唐太宗賜魏徵詩率題

翠濤醺醑成佳釀千日十年醉未醒
二語隲括太宗
詩句恠底當年十思疏未將惡旨動君聽

香山即景雜詠

好山豈慮秋光老洗盡繁華越雅宜興會悠

然重九近底殊五柳得詩時
坂霜一夜變新寒遊屐高低緬謝安藉第憑
巖縱遙目峰姿四面入竒觀
明窓寒景最宜人簷菊盆松淨絕塵博古未
須誇獺祭聽泉直欲息言津

九月九日作

佩萸把菊為清遊佳辰勝賞聊爾酬日月難
逢九復九嘯歌最喜秋之秋頭科誰繼孟江
夏腹藁忽憶王絳州登高曠覽吾素志民艱

在目翻增愁

題董邦達居庸疊翠圖

近作燕山八景詩擬成長卷各圖之侍臣承
旨開生面又見巖關疊翠竒

具來粉本寫神能萬樹丹青績繡稜近衛皇
州鞏北戶底須乘傳擬嘉陵

繚白縈青矗萬螺蚿綠鳥道憶曾過彈琴峽
口雙松側勒壁詩應對碧蘿

過盧溝橋

行樂言一集 卷三十一
颯景石橋頭愴人是凜秋

丹邱瞻玉劍黑水度沙溝波幸今年靖民蘇

昨夏憂導川懷

聖蹟永定賴詒謀

秋麥

被隴新年綠意深遠低村靄近迷林畫花早
識方宜北氣伏還傳候王金隔歲預思白餅
熟經霜不礙碧雲侵鳴鞭見此芄芄者又引
先時望雪心

良鄉行宮疊今春韻四首

巡壁分明吟短句停鑿小憶涉春江離宮平

楚曾何異風在庭柯月在牕

數命行輿衆已勞上

陵心切豈遊遨肯堂繼

志吾何有敢騁馳驅六馭豪

頻年展謁

橋山下未盡攀龍罔極情況奉

徽音申敬悃敢違一片奠楸誠是役奉皇太后懿旨

以值六旬行慶欲先
謁陵申敬也

山影橫西塔影南
霜花遍野菊花酣
詩情莫道因秋減
觸緒何妨即景探

即景

威紆屏障遠峰連
納稼村村薄有年
二百程途九秋景
兩行楊柳一衢烟
林疏日色來山外
葉墮風聲到馬前
西望鼎湖白雲表
憑輿曷勝意酸然

駿馬

駿馬多意氣不與凡
馬儕駁娑避塵壒
行空越崔嵬夜王裝
羈勒秋金飾鞍臺
伯樂不常有誰識
絕倫材執鞭非其人
駒蹏去不迴

曉行

遠戍依微辨長途
迤邐過人心思日出
馬跡踏霜多宿鳥喧
村樹歸鴻下野河
招提鐘送響禪者逸
如何

偶題

孔子惡佞者子魚以佞傳
使之治宗廟衛祀

賴以延祝史貴正辭鮪也何有焉才取適其
用德難期其全論人可知世如矢愛昔賢

過拒馬河

潦水盡寒潭橫橋度六驂渚烟宜畫染旅景
與詩諳岸葦白無力崖楓丹欲酣遙源何處
是重疊續雲嵐

秋瀾村

向野構離宮當秋駐行轡一水曲抱原千山
遠橫翠石橋凡幾度興會隨時異軒榭故好

在琴書足佳致棲情西昊景寄妙南華意

黃花

黃花鞠本色紅紫今紛羅亦如隱者流後世
假藉多

易州道中作

曉日千村颺爨烟郵程廿里遲去聲鳴鞭逢迎

田父多歡色生計閭閻勝去年

易水流沙率不深潦收野渡那須尋荆軻山

直直秋雲表想像當年壯士心

納稼

納稼村村畢崇墉處處有秋成勝往歲二鬴足餬口而何市頭價猶爾爭升斗計口百年滋近利三倍取辭兩人背面各自東西走左者益以左右者益以右中間必空虚實乏計善後逢歉輒踴貴遇豐難復舊叶而况豐恒鮮歎偏易遭偶惟覺勞補救遑云致安阜父母之謂何對民真慙忸

永慕齋

又已經年別難禁一夕情

丹陵明曉謁碧落九秋橫都是傷心處何曾

繼
志成每來增永慕豈繫見齋名

恭謁

秦陵感成長句

曉月華霜靜玉墀

慈闈恭奉奠金卮申誠因值

六旬慶來謁俄經旬六朞繼紹未遑多仰愧

熙和難致切勤思

元宮一閱千秋隔痛憶當年攀戀時

夕

日落遠山橫蒼然暝色清歸禽翻落葉行漏
遞初更檀縷縈金鴨蓮英燦玉檠明當旋蹕
路遲戀意難平

讀白居易詩率題

立意為平易虞人不知叟千載誦其詩而叟
亦知否

書無逸篇因題其後

訪落殷憂慎始圖昌言一帙擬三謨為元后
則時天若知小人依所逸無享國明標四迪
括發端深致七嗚呼詎惟尚父丹書繼信是
千秋帝範模

董邦達輞川雪意

華子岡頭積素多蹊迷難訪故山過畫禪親
許叅神韻畫禪室貯董香光名畫大刻楮無
煩較若何觀冊首即王摩詰雪溪

張宗蒼蒼松紅樹

蒼松不共霜柏紅寒泉割壁垂雲空高人箕
踞對清晝靜會悠然爾我同

孟冬時饗

太廟

午門誅蕩鼓嚴晨

太室趨承倍敬寅萬葉皇圖綿衣紹六宗祀
典重躬親黍稷以洽匪今慶籩豆惟嘉依古
陳曙色溫暾儀告備恰欣節應小陽春

圓明園畫禪室對雪有作

積素山逾遠寒侵夕益繁節真應大雪景恰
媚名園鶴訝翔松頂蝗知避麥根竹爐新仿
得仿惠山製竹爐
收雪水烹之活火正溫存

偶為山水小幅兼題以詩

文石枯枝間去聲草堂坐來兼可俯滄浪烟雲
堪悅吾情性山水何知彼范王不有今人那
有古設無閒者亦無忙儒臣謾自誇多藝聊
爾憑消幾暇長

冬至

南郊

齋宮聽漏卯牌傳法從晨趨燭遍田
大祀肇修陽始復藐躬對越志彌虔未臻上
理常慙若昭受鴻庥更惕旃慶值
慈寧開六袞合天下養福增綿

瑞慶詩六韻 有序

辛未秋獮塞上蒙古台吉必力滾達賴
以此來獻色純白如雪目睛如丹砂抱

朴子稱鹿壽千歲滿五百歲則色白此
殆其類今年恭遇

聖母皇太后六旬萬壽適靈獸應時而至爰
命曰瑞慶而紀以詩

質稟庚辛色珠躔應壽星

天心慶花甲德產祝

慈寧豈意牲牲屬偏成翬翬形乍辭鹿食野

可比鳳儀庭性自仙人馴 讀如訓 圖呈動物

靈無須稽獸譜永此驗祥經

賜沈德潛

前席豈不佳別復繼其後江鄉已眷然幸此
未為久在汝申虔慶而我慮奔走松鶴老益
健三千里何有祝釐實攸宜詩人大椿壽

春帖子

壬日立新春重重吉並臻百昌欣律轉萬福
自天申

喧鳴臘鼓發韶妍遲日杲憇颺瑞烟屏綵祥
徵勝銀裏盤辛芳獻頌樹前

除夜

嘉夜貞元會流年新舊分地爐添火坐爆
達晨聞銀燭玉蟲綴唐花蜀錦芬詩篇又成
帙題此殿前文

